

16 DANA AKTIVIZMA PROTIV RODNOG NASILJA

25. novembar – 10. decembar 2009. godine



Peking +15 Pregled i regionalne aktivnosti

UN Četvrta svjetska konferencija o ženama

U septembru 1995. godine, preko 45,000 ljudi se okupilo u Pekingu, Kina, kako bi učestvovali u UN Četvrtoj svjetskoj konferenciji o ženama¹ i paralelnom NVO forumu gdje su zalagačice za ženska ljudska prava i saveznice iz vladinih institucija kreirale ono što još uvijek predstavlja najsveobuhvatniji i progresivniji UN dokument koji adresira realnosti života žena. Kreirana Pekinška deklaracija i Platforma za akciju je identifikovala dvanaest kritičnih područja zabrinutosti (žene i siromaštvo, obrazovanje i obuka žena, žene i zdravlje, nasilje protiv žena, žene i oružani sukobi, žene i ekonomija, žene, moć i donošenje odluka, institucionalni mehanizmi za unaprijeđenje žena, ljudska prava žena, žene i mediji, žene i okoliš, i ženska djeca) i navela ciljeve i preporuke za akciju kako bi se unaprijedio pristup žena pravima u ovim oblastima. Iako Platforma za akciju ne predstavlja pravno obavezujući dokument, ona služi kao vodič za javne politike vladama, institucijama, privatnim preduzetnicima, i UN agencijama, i uspostavlja standarde po kojima se trebaju procjenjivati politike i programi koji se već sprovode. Usvajanjem Platforme za akciju, vlade se snažno obavezuju da će adresirati prepreke unaprijeđenju i osnaživanju žena.

Od vremena održavanja konferencije u Pekingu, brojne značajne UN i vladine aktivnosti su preduzete ka osiguravanju ženskih ljudskih prava, uključujući i Cilj 3 za ravnopravnost polova u Milenijumskim razvojnim ciljevima, i usvajanje UN Rezolucije Savjeta bezbjednosti 1325 o Ženama, miru i sigurnosti i UN Rezolucije Savjeta bezbjednosti 1820 o seksualnom nasilju u konfliktu. Pored toga, veći broj i bolji nacionalni zakoni u vezi sa pitanjem nasilja protiv žena su usvojeni. Aktivizam ženskih organizacija za ljudska prava i braniteljica ljudskih prava na lokalnim, nacionalnim, regionalnim i međunarodnim nivoima je bio promarni katalizator za mnoge od ovih pozitivnih akcija u oblasti ženskih ljudskih prava tokom nekoliko posljednjih decenija.

Kako je bivši UN Generalni sekretar Butros Butros Gali naglasio u svojoj izjavi na završni dan Četvrte svjetske konferencije o ženama:

“Obaveze koje su preuzete u Pekingu nisu samo rezultat diplomatskih pregovora. Iza njih stoji jaka i organizovana moć ženskog pokreta. Cjelokupni nastavak globalnih konferencija i samita je bio oblikovan rastućim uticajem, strašću i intelektualnom uvjerenošću ženskog pokreta.” (1996: 1)²

Uprkos ovog napretka, primjena ovih pobjeda ostaje izazov. Civilno društvo mora nastaviti da ispunjava svoju ulogu monitora i čuvara i zahtjeva da vlade realizuju obaveze iz Platforme za akciju, naročito suočavajući se sa novim i nastupajućim izazovima, kao što je globalna finansijska kriza. Za više informacija o četiri specifična zahtjeva na koje se Centar za globalno liderstvo žena fokusira u svom zalaganju vidi “2009 Zahtjevi za akciju” dokument u Resursnom paketu Kampanje 16 Dana aktivizma.

Šta se dešava za Peking +15?

23. specijalna sesija Generalne skupštine UN-a je održana 2000. godine, kako bi se obilježila 5-ta godišnjica Četvrte svjetske konferencije o ženama (Peking +5). Na ovoj sesiji, vlade su usvojile političku deklaraciju i završni dokument pod nazivom "Dalje akcije i inicijative za implementaciju Pekinške deklaracije i platforme za akciju."³

¹ Prva svjetska konferencija o ženama se održala 1975. godine u Meksiko Sijetu, druga se održala u Kopenhagenu 1980. godine, i treća je održana u Najrobiju 1985. godine. Za više informacija o ciljevima ovih svjetskih konferencija, vidi:

<http://www.un.org/en/development/devagenda/gender.shtml>.

² Butros -Gali, Butros. “Uvod: Prevođenje momentuma Pekinga u akciju.” Platforma za akciju i Pekinška deklaracija. Ujedinjene nacije, NY: Odjel za javno informisanje, 1996. godine

³ Za više informacija o Peking +5, posjetite <http://www.un.org/womenwatch/daw/followup/beijing+5.htm> (Zvanična UN stranica) ili <http://www.cwgl.rutgers.edu/globalcenter/policy/beijing5special.html> (CWGL sažetak), ili vidi CWGL publikacije Bez rezerve: Pekinški tribunal o odgovornosti za ženska ljudska prava (vidi link na PDF u fusnotama na strani 2)

<http://www.cwgl.rutgers.edu/globalcenter/publications/without.pdf> i Održavanje obećanja: Ženska ljudska prava i Peking +5 Pregled <http://www.cwgl.rutgers.edu/globalcenter/publications/holding.pdf>.

Ponovo tokom redovne sjednice Komisije o statusu žena 2005. godine, (49-ta sjednica), Pekinška deklaracija i Platforma za akciju i rezultat 23. specijalne sjednice Generalne skupštine su pregledani i analizirani tokom panel sastanka na visokom nivou otvorenog za sve UN zemlje članice i posmatračke (Peking +10).⁴

Kako se 2010. godina približava, ženske organizacije širom svijeta razgovaraju o aktivnostima za 15-tu godišnjicu Pekinške konferencije. Neće biti organizovana posebna sjednica Generalne skupštine od strane Ujedinjenih nacija, međutim, tema 54. sjednice Komisije o statusu žena će biti "Pregled i analiza primjene Pekinške deklaracije i Platforme za akciju i rezultata 23. posebne sjednice Generalne skupštine." U pripremama za ovaj pregled, UN regionalne komisije rade sa UN Odjelom za unaprijeđenje žena (DAW) da distribuiraju i prikupe upitnike od vlada o njihovim zakonima, politikama i praksama vezanim za ravnopravnost polova.

Regionalne komisije, kao i ženske organizacije, koalicije i mreže planiraju regionalne aktivnosti tokom nadolazećih mjeseci kako bi razgovarale o postignućima i preprekama u vezi sa dvanaest ključnih područja zabrinutosti navedenih u Platformi. Na mnogim od ovih sastanaka i konferencija, fokus će takođe biti na sagledavanju kako će finansijska kriza uticati na postignuća prema unaprijeđenju ženskih prava.

U daljem tekstu se nalazi preliminarna lista regionalnih aktivnosti. Kako nastavljamo da prikupljamo više informacija, ovaj dokument će biti revidiran i dostupan elektronski na web stranici Centra za globalno liderstvo žena.

DAW "Peking +15" web stranica pruža linkove na odgovore država na upitnike, linkove vezane za proces pregleda na regionalnom nivou i dokumente i informacije o zvaničnom procesu 15-godišnjeg pregleda na globalnom nivou i drugim događajima u vezi sa obilježavanjem godišnjice od strane Generalne skupštine koji će se održati tokom CSW54:
<http://www.un.org/womenwatch/daw/beijing15/index.html>

Regionalne aktivnosti:

Region - Afrika

Šta: Događaji na mjesečnom nivou organizovani od strane nacionalnih mjesta za kontakt u periodu od juna do novembra, sa organizovanjem završne aktivnosti tokom kampanje 16 Dana aktivizma protiv rodnog nasilja

Kada: od juna do 10. decembra 2009. godine

Gdje: Različite afričke zemlje

Organizovano od: NVO Afrika regionalni Task Force; Afrička ženska mreža za razvoj i komunikacije (FEMNET) i Istočno afrička sub-regionalna inicijativa za podršku za unaprijeđenje žena (EASSI) preuzimaju vodeću ulogu u koordiniranju aktivnosti, ali je takođe više organizacija identifikovano kao nacionalna mjesta za kontakt

Web stranica: Za detaljnije informacije i kontakt, vidi Međunarodni ženski centar za zaštitu GlobalNet #359:
<http://www.iwtc.org/117.html>

Šta: Sastanak ekspertske grupe i regionalna ministarska konferencija za pregled

Kada: 16.-20. novembar 2009. godine* (NAPOMENA: Datum je promjenjen sa 26.-30. oktobar)

Gdje: Banjul, Gambija

Organizovano od: Ekonomska komisija za Afriku (ECA)

Opis: Petodnevna regionalna konferencija (3-dnevni sastanak ekspertske grupe sa predstavnicima/cama vlada, ženskih mreža, NVO, institucionalnim mehanizmima za rodnu ravnopravnost, i ekspertima/cama nakon čega će biti organizovana dvodnevna ministarska konferencija)

Web stranica: <http://www.uneca.org/acgs/beijingplus15/index.htm>

Region- Azija

Šta: 2009 Azija- Pacifik NVO Forum o Peking + 15 "Tkanje mudrsoti, konfrontiranje krize, kovanje budućnosti"

Kada: 22.-24. oktobar 2009. godine

Gdje: Miriam Koledž, Quezon, Filipini

Registracija: <http://apngo2009.mc.edu.ph/>

Organizovano od: Azija-Pacifik Women's Watch (APWW)

⁴ Za više informacija o Peking +10, posjetite <http://www.un.org/womenwatch/daw/Review/english/49sess.htm> (Zvanična UN stranica) ili <http://www.cwgl.rutgers.edu/globalcenter/policy/b10/index.html> (CWGL sažetak).

Opis: NVO Forum će biti hronika o tome kako je civilno društvo, posebno ženski pokret, doprinijeo u pogledu postizanja strateških ciljeva Pekinške platforme za akciju. Učesnici/ce će podijeliti iskustva i izvući lekcije kako bi razvili metode za unaprijeđenje aktivnosti nevladinih organizacija i izgradnju društvenih pokreta. Tokom održavanja foruma, učesnici/ce će također analizirati nove trendove u regionu i na globalnom nivou i istražiti kako ovi trendovi utiču na uslove i položaj žena. Očekivani rezultat Forumu je kreiranje strateških ciljeva i preporuka za akciju usmjerenih ka vladama, UN međunarodnim organizacijama i donatorima, civilnom društvu, uključujući ženske organizacije.

Web stranica: http://apwww.isiswomen.org/index.php?option=com_content&view=article&id=3:program-of-the-2009-asia-pacific-ngo-forum-on-beijing-15-weaving-wisdom-confronting-crises-forging-the-future-draft&catid=2:ap-ngo-forum-15&Itemid=51

Dodatne informacije: Za više informacija o pripremama za Peking +15 u Aziji i Pacifiku, molimo posjetite <http://www.iwtc.org/gnets/361.html>.

Šta: Među-vladin sastanak na visokom nivou

Kada: 16.-18. novembar 2009. godine

Gdje: Konferencijski centar Ujedinjenih nacija, Bangkok, Tajland

Organizovano od: Ekonomska i socijalna komisija za Aziju i Pacifik (ESCAP)

Web stranica: <http://www.unescap.org>

Dodatne informacije: Na ekspertskom sastanku održanom u maju 2009. godine, ESCAP članice su diskutovale o konceptualnom i organizacionom okviru za nadolazeći među-vladin sastanak na visokom nivou o Peking +15, koji će se održati u novembru. Neki od dokumenata sa ovog ekspertskog sastanka se mogu vidjeti na <http://www.unescap.org/esid/GAD/index.asp.Vladini> odgovori na upitnik se mogu vidjeti ovdje: http://www.unescap.org/ESID/GAD/Issues/Beijing+15/index_questionnaire.asp

Region - Evropa/CIS/Sjeverna Amerika

Šta: NVO interaktivni okrugli stolovi u vezi sa UN-ECE Peking +15 Sastankom za regionalni pregled

Kada: 30. – 31. oktobar 2009. godine

Gdje: Maison des Associations, 15, rue des Savoises, 1204 Ženeva, Švajcarska

Organizovano od: NVO-CSW Ženeva i CONGO

Opis: Privremeni dnevni red i NVO registracijski formular se može skinuti sa NVO CSW Ženeva web stranice.

Web stranica: <http://www.ngocsw-geneva.ch/>

Kontakt: ngocswgeneva@gmail.com

Šta: Regionalni sastanak za ECE države članice (CEE, CIS, EU i Sjeverna Amerika)

Kada: 2.-3. novembar 2009. godine

Gdje: Palata nacija, Ženeva, Švajcarska

Organizovano od: UN Ekonomska komisija za Evropu (ECE)

Opis: "Sastanak će adresirati sljedeće teme: (a) Regionalni pregled napretka u primjeni Pekinške deklaracije i Platforme za akciju; (b) Rodno osjetljive ekonomske politike u kontekstu ekonomske i finansijske krize; (c) Rod i korporativni sektor; (d) Nova partnerstva, mreže i savezništva za ravnopravnost polova." Za više informacija i dokumenata, posjetite: <http://www.unece.org/gender/documents/Beijing+15/Documents.html>

Učesnici/ce: Ključna grupa učesnika/ca će biti predstavnici/ce relevantnih ministarstava ECE država članica. Međunarodne organizacije (UN i ne-UN), nevladine organizacije (NVO) i predstavnici/ce akademske zajednice širom regiona će biti aktivno uključeni/ne u sastanak. NVO sa akreditacijom pri Ekonomskom i socijalnom vijeću kao i druge nevladine organizacije koje su akreditovane za Pekinšku konferenciju (1995) i potom pri ECE Peking +5 i +10 pregledima su automatski akreditovane da učestvuju na sastanku. Druge nevladine organizacije koje žele da učestvuju moraju slijediti proceduru akreditacije koja je naznačena na ECE web stranici: <http://www.unece.org/gender>.

Web stranica: <http://www.unece.org>

Dodatne informacije: Vladini odgovori na upitnik se nalaze na sljedećem linku:

http://www.unece.org/gender/National_Reports.html

Region – Latinska Amerika i Karibi

Šta: Conferencia Regional sobre la Mujer de América Latina y el Caribe / Regionalna konferencija o ženama

Kada: juli 2010. godine

Gdje: Braziliya, Brazil

Organizovano od: Comisión Económica para América Latina y el Caribe (CEPAL) / Ekonomska komisija za Latinsku Ameriku i Karibe (ECLAC)

Dodatne informacije: Vladini odgovori na upitnik se mogu vidjeti na ECLAC web stranici:

[http://www.eclac.cl/cgi-](http://www.eclac.cl/cgi-bin/getprod.asp?xml=/mujer/noticias/paginas/8/36338/P36338.xml&xsl=/mujer/tpl/pl8f.xsl&base=/mujer/tpl/top-bottom.xsl)

[bin/getprod.asp?xml=/mujer/noticias/paginas/8/36338/P36338.xml&xsl=/mujer/tpl/pl8f.xsl&base=/mujer/tpl/top-bottom.xsl](http://www.eclac.cl/cgi-bin/getprod.asp?xml=/mujer/noticias/paginas/8/36338/P36338.xml&xsl=/mujer/tpl/pl8f.xsl&base=/mujer/tpl/top-bottom.xsl)

Region - Zapadna Azija / Bliski Istok

Šta: Sastanak ekspertske grupe za 15-godišnji pregled Pekinške konferencije

Kada: 19. – 20. oktobar 2009. godine

Gdje: Bejrut, Libanon

Organizovano od: Ekonomska i socijalna komisija za Zapadnu Aziju (ESCWA)

Web stranica: <http://www.escwa.org.lb>

Dodatne informacije: ESCWA i Liga Arapskih država (LAS) saraduju na pripremi i izdavanju Arapskog regionalnog izvještaja o Pwekingu + 15

Druge aktivnosti:

NVO / Ujedinjene nacije

Šta: Globalni NVO Peking +15 forum za žene: "Kroz njene oči: Obnavljanje obaveza prema ravnopravnosti, miru i razvoju"

Kada: 27.- 28. februar 2010. godine

Gdje: Ujedinjene nacije, Njujork

Organizovano od: NVO CSW Komitet

Opis: Program foruma će uključivati dva puna konferencijska dana koji će početi sa ceremonijom otvaranja, i nastaviti sa plenarnim sesijama, panel diskusijama i radionicama. Preliminarni program i registracijske informacije su dostupne sa web stranice navedene u prilogu. Rana registracija počinje 15. oktobra.

Web stranica: <http://www.ngocsw.org/en/events/2010-forum> and <http://en.wordpress.com/tag/beijing-15/>

Specijalni događaj: Centar za globalno liderstvo žena

Šta: Javni simpozijum o ljudskim pravima žena

Kada: Subota, 6. mart 2010. godine

Gdje: Njujork

Organizovano od: Centar za globalno liderstvo žena

Opis: Jednodnevni simpozijum kako bi se proslavila 20-ta godišnjica Centra za globalno liderstvo žena i promjena u liderstvu Centra sa Charlotte Bunch na Radhika Balakrishnan. Fokus Simpozijuma će biti doprinosi pokreta za ženska prava i kako je on uticao Ujedinjene nacije i druge institucije kroz lokalno i globalno feminističko organizovanje i umrežavanje. Simpozijum će uključivati sesije o problemima nasilja protiv žena, razvoju liderstva i multi-generacijske probleme, braniteljice ljudskih prava i ekonomska prava i pravda.

Web stranica: <http://www.cwgl.rutgers.edu/>

Translation provided by United Women Banja Luka

<http://www.unitedwomenbl.org>



Centar za globalno liderstvo žena

Rutgers University, 160 Ryders Lane, New Brunswick, NJ 08901-8555 USA
Phone: (1-732) 932-8782, Fax: (1-732) 932-1180, E-mail: 16days@cwgl.rutgers.edu
Website: <http://www.cwgl.rutgers.edu/16days/home.html>